

公

餘

集

公餘集卷二

竹軒劉秉恬著

早秋

景物依然夏年華已入秋
金風吹玉律明月照高樓
好樹枝仍密嘉禾穗漸抽
田家應有喜所喜歲豐收

新秋富制軍見招同曹學使宴集香雪齋

雨後天光分外清
園中日色晚逾明
幾叢草綠連苔綠
一曲歌聲間鳥聲
白雪飄來檀板促
紅蓮暎處玉卮盈
張燈不覺移時坐
多謝殷、致主情

送蔣牧運銅之京

年來共事喜君賢
忽唱驪歌對別筵
為濟南金輸府幣
須從西蜀發樓船
花明桂樹穿巫峽
葉落楓林到楚天
忠信波濤憑我涉
平安

致祝及時還

偕方厓制府及藩臬諸君出郊勸農泛
舟至雄川閣歸途遇雨作

稻香十里向雄川
高閣登攀上極巔
西對青山雲漠漠
南臨碧海水潺潺
雙旌偶出非尋
樂庶政由來貴力
田賞罷歸來人散
後霏
細雨蕩舟還

新秋海山閣矚目

時屆新秋天氣爽登樓矚望景偏多日光襯
樹明如錦山色逢晴碧似螺宿雨收雲滋野
稻清風度水蕩池荷靜中領略無邊趣何事
黎園一奏歌

雨晴

一望秋雲薄西南陣風風滇省西南今朝逢
快霽久雨豈妨農疎柳迎人翠圓荷映日紅
尤欣燈上後半壁挂長空

七夕

重七偏宜夕新晴月色鮮人間留密語天上
會雙仙朗々淩波皎盈々渡水蠲今宵如不
寐倚月看星懸

宿雨新晴同人集費方伯柏香堂

柏香堂外紫薇芳碧樹成林遶畫廊愁雨恰
逢新霽後看花不覺引盃長雷聲隱々隨風
散月色溶々送夜涼
躡屣公情共洽偶因

對景一飛觴

四友軒偶題

小小書窗潔明，絕點塵松盤庭舞鶴苔布
砌成茵雨過階痕濕雲開月印真朝，公事
暇翰墨愛相親

新秋登海山閣

公暇來舒目登臨日轉西水平池若練天遠
嶺疑低疎柳攢城秀飛鴉遶閣齊眼前多好

景憑索短箋題

松女十七歲生日口占

松翠臨風品格清
亭亭玉立擬長庚
回思十六年前事
今日松兒始命名

賦得秋香動桂林

得林字

花氣因秋動
遙聞出桂林
雨肥千粒粟
風散一庭金
地靜香逾遠
天晴色轉深
輝依畫閣馥
透羅襟
細蕊攢丹玉
疎枝灑碧陰
此

時君獨秀桃李那堪尋

秋日早起

睡足初醒耳目清
漏聲纔罷度雞聲
殘星照戶微
見斜月當樓淡
明檢點公私思
有失權衡物我貴
能平整衣早起迎
佳氣隨意籬邊數菊英

夜聞雷雨作勢旋即開霽因賦

喜霽愁雲黑
宜晴厭聽雷
聞聲疑雨至
作勢

逐風回碧漢明星滿清宵玉漏催來朝紅旭
布佳稻及時培

燈花

五行藏至理木藉水生花豈識燈前豔偏開
火裡葩明々輝帳錦隱々照窗紗
久圓珠吐嫩芽

秋祀

關帝敬書

中原還逐鹿昆季出英雄一代臣心萬千秋
祀典隆古今名愈顯天地數無窮拜謁當秋
曉年々處々同

秋祀

至聖先師敬書

六詔非文地三迤久化成循牆觀禮器倚壁
聽歌聲俎豆千秋肅衣冠萬代清今朝來景
仰正值桂花榮

射圃新植菊花

射圃秋來景物新，秋叢點綴兩行勻。湯云此

日秋顏老，未必秋光不似春。

滇南四時無甚大寒暑氣候長

年若春且立秋後各色花品間放者甚多故云

校射見新月

射圃陰陰欲夕天，興來矢發著中堅。拄弓閒

望晴空裡，新月如鉤滿上弦。

秋祀

山川壇敬書

山川司出雲晴雨助耕耘六詔尊為主三迤
奉若君調和心望切祈禱意誠殷蠲吉申香
帛金風玉露分

秋祀

天后宮

當春隆祀典轉瞬忽逢秋禮節仍循舊年華
已半周黃開籬菊燦紅落渚蓮愁致祝銅帆

發安瀾達

帝州

漢中丞辦京銅歲計八運年
來江河安瀾頻邀神佑

月夜

青天一片月萬里淨無雲
笛韻空中度花香
靜裡聞光華明似晝
星斗佐成文
尤愛階除
下亭桂樹芬

聖壽日五華山齋集恭紀二首

節屆西成日時逢大有
年中秋人對月

公餘集



卷二

七

萬壽帝如天候曉冠裳肅平明拜舞聯蹕
循禮度共集五華巔

峻嶺祥光繞層霄桂樹妍登峰瞻
北闕待漏在南天

五代延家瑞

得

今上新
皇元孫

三呼祝

聖年散朝回署後覓句紀華箋

賦得山明桂花發

中秋日作

月照遍山明花開桂樹榮欣逢三五夜更動

眺吟情素魄瑤峯挂天香翠嶺生詩成清興
遠彷彿玉山行

中秋後一日步月

中秋未放晴越日月光明試對蟾宮皎疑遊
玉殿清時非三五夜魄自十分盈閒步階除
下天香繞砌迎

秋日邀富制軍曹學使讌集卽和學使

韻

六詔秋光好秋深衆卉榮桂香浮月色竹葉
送風聲淡菊如人立嘉荷拂水生今朝佳客
至相對衆分明

桂杏並發

金商司律候杏與桂齊揚秋色行過半春華
忽關芳豔葩暄絳粟幽質對紅妝不種丹霄
日同曄白帝霜天時因地異節令使花忙誰
念昆池上陽和氣倍長

禾已成熟連日陰雨農民不得收穫因
與方厓制軍祈晴敬賦五律一章致
禱

嘉禾成熟日久雨礙農收望歲同心切聽聲
共起愁徘徊惟自責豐歉果誰由所祝
天仁愛晴來
賜有秋

燈下詠桂

秋來丹桂發香氣暗相侵
葉展千層翠花開萬點金
如蘭飄屋角似麝籠衣襟
影射青燈雅遙聽更漏深

九日登太華山歸程舟泊近華浦小集

二首

今朝佳節是重陽
齊上華峰極目望村落遙
看雲樹外樓臺近接海天
長菊花已放三秋
豔桂蕊猶留八月香

寺中有大桂七株山深
候遲是時開放尚茂

一棹歸來輕舸穩蓬萊回見水中央
山色蒼茫欲暮天近華浦裡且停船丹楓錯
列重陽景嘉稻豐收大有年一曲歌聲浮水
面滿庭花氣遶尊前聊憑攬勝詢民隱不是
閒遊對几筵

早起

一夢初醒曙氣清風聲乍起雨無聲林間有
鳥爭枝噪為報今朝喜放晴

壽方厓制府

重陽纔過菊花天齊赴華堂祝壽筵慚我光

陰多一歲府余今年五十有九與君寅協適三年

制府於辛丑歲鵬行並列

君恩永棣萼相攀子舍連太夫人迎養在署

昆故此日節樓光燦晚間更看月輪圓誕辰

在十五日

詠閣中燈下盆菊

九月菊團圓張燈色倍鮮花搖金片、葉映
翠娟、味淡如人立香幽入夜絲簾攏勤愛
護勝似在籬邊

賦得三冬足文史

得文字

冬來耕作暇學士業精勤暎雪繙青史燃燈
讀古文隨時能自勵觸處即成雲展卷天方
曙披帷夜又分雞聲鳴膊、霜葉落紛、靜
室吟哦富明窗氣味共居稽三代事考訂五

車殷顯達無他術東方此見君

月

疎星圍碧漢皓月正當空素影從西布看、
漸向東

送富制軍述職北上二首

旌旗計日詣京華滇道迢々萬里賒早發行
看紅旭上晚程遙望碧雲遮兩衙近接如隣
舍三載相交似一家同此宦遊今暫別莫愁

知己在天涯

嘉稻豐登萬寶成張燈把酒展離情瞻雲目
送星辰動近日身霑

雨露盈輯瑞羨君元夜宴

君到都正值歲
苦蒙入余適於去年

年回任應預
上元曲宴

臨岐數我去年程

入余適於去年
覲

護堂視膳休縈抱早晚樹觴額代擎

秋穫後市月清明十月十二日出郊細

雨霏、見春苗青葱遍野

嘉稻登場市月晴朝來細雨潤無聲豆莢茁
土千重綠麥葉含青十里平共喜逢年書歲
稔尤希計日報春成歸途馬上尋詩句不覺
旌旗已到城

十月十五日登樓望晚霞

薄暮登樓望晴霞燦半天似雲無似火非霧
亦非煙照水光偏赤依山色最鮮少焉明月
上相看一輪圓

賦得珊瑚架筆

得徐字

珊瑚來海外架筆伴詩書位置看今日雕磨
想始初柯留南越貢網取大秦餘不向豪家
碎偏從僕射居揮毫宜翰墨議價等璫璵入
夜光仍燦開窗豔豈虛形非同火樹色自比
笑渠寶物誰堪擬傳聞孝穆徐

冬日郊行閱金汁河壩工

寒冬行郭外景物倍分明葉落山清瘦禾收

地敞平鴈飛看有影水淺聽無聲不是閒游
覽河防最繫情

長至日五華山齊集

一陽初復日萬國盡朝天

北關饒佳氣南滇接瑞煙威儀三鼓後起拜

五華前

滇省朝儀起三次鼓後

更喜瞻雲物

黃雲碧落懸

長至日瞻雲物五色中惟黃色主年豐是日朝散後羣瞻雲物

果有黃雲呈祥

早梅

花中梅竄早梅裡又先開預報春光動偏傳
泐氣來風吹香杳鶯月上影徘徊品第羣花
者斯方擬首魁

冬日同人集司鹺楊觀察清惠堂即席
成什

梅舒捺放正寒天清惠堂前敞客筵鑿落淺
斟留曲緩參差迭奏送盃造輕雲欲雪添衣

重翠幕微風撥火鮮賓主關情非在此惟希
齏政勝年々

臘月朔雪邀同人小集

雪飛逢臘朔梅放在春先沽酒邀佳客薰香
遠綺筵賞心非樂事屬意是豐年共語今朝
好霏々潤麥田

夜靜聞鶴鳴

園空萬籟平鶴唳正三更嘹唳隨風遠高低

伴月明聞聲思羽潔入耳覺心清豈似羣雞
唱膠、逐俗鳴

閱河事竣取道看黑龍潭梅花

覽畢河防未返旌朝來約有賞梅行新葩放
豔迎人笑古幹蟠根接地橫風月曾經千百
歲吟題慣動古今情為因近在龍潭上膏澤
長霑得發生

臘月十日黑龍潭觀梅用楊觀察韻

淺酌何須酒滿缸
看梅把盞躁心降
根依佛地觀成海
土近龍潭潤似江
枝上鮮葩開歲歲
檐前古幹老雙雙
夜來更喜添清興
月色花香入半窗

黑龍潭觀梅月夜回署

梅花月色兩爭仙
賞罷歸來月半天
素魄迎人光正耀
餘香携袖味逾蠲
聊憑燭火窺前路
迴望林泉隔晚煙
策馬行、知不遠樓臺

多處是衙前

臘月十五日敬詣

神廟拈香默禱

盼雨求晴迄一年來春穡事又拳々纔欣瑞
雪逢初臘更望輕膏潤滿天惟願時和長歲
稔敢云樂後獨憂先片誠至潔

神應鑒

在上昭々在下虔

壽筠浦方伯

儒雅風流方伯賢誕辰恰在立春先壽筵不

向薇垣設逸興偏從古寺傳

是日方伯詣釋

理由來兼治理孝全要自藉忠全炎風朔雪

天王地

杜句

何事歸舟一蕩然

方伯近賦看梅詩有遲我

歸帆作土人
之句故及之

立春前二日安瀾亭雅集

新葺軒亭四面開江清滾：遶亭回

亭在盤龍江上

環窗好景梅花放，夾岸春光柳色催。
對水從來堪滌俗，臨流況復又登臺。
盤龍坐藉金牛穩，亭旁有金載詠安瀾萬福來。

安瀾亭即事仍用前韻

一年歷盡逢間日，攬勝江亭偶此來。
爆竹聲聲窗外響，燈花燦燦水中開。
蕩舟唱曲音逾雅，卽地烹魚味美回。
所喜歲豐民盡樂，昇平點綴入詩裁。

乙巳立春

春長歸乙巳預入甲辰年四季寒將退三時
暖欲先土牛蕭鼓送綵燕羽毛全城郭饒佳
氣門庭靄瑞煙梅花開燦爛柏葉碧新鮮一
歲春雙度絲、福祿聯

除夕

今日因何事聲、爆竹頻甲辰年送舊乙巳
歲開新座上燈花燦盤中酒果陳少焉紅旭

上又是一年春

公餘集卷三

竹軒劉秉恬著

乙巳元旦五華山齋集恭賦二首

一片祥光擁五華

聖慈到處氣多嘉
儼然闔闔開中禁
宛似衣冠拜

帝家朝典清嚴誰敢越
班行整肅不容斜

古稀天子朝元日
萬里晴雲暎綺霞

魏二

帝德正當陽五十紀年歲月長

主聖因而縣國壽

君明要勉學臣良春風披拂人安豫元日融
和事吉祥齊上五華遥拜祝如山如阜頌吾
皇

元旦四友軒偶書

梅芳竹翠值良辰松柏長青歲二春爆竹遥

聞聲不斷林鶯靜聽語來頻溫中三冬天氣
鶯漸浮草際風光暎滿上窗櫺日色新慎始
還從元旦始毋焦毋怠意惟寅

新春五日登海山閣

元旦纔過方五日登樓矚目是新年笙歌隱
隱來雲表爆竹聲響耳邊忙裡得閒更
適晴時望遠相連憑欄別有無窮意檻外
人家郭外田

新正六日惠風堂小集詩以相勉

惠風堂上集羣仙太守循良刺史賢官吏惟
知供舊職主賓偶一慶新年笙歌數事非高
調盃酒相酬只薄筵共沐
天恩宣德意小廡大法意拳々

乙巳人日

去年今日未交春今歲交春已決句共說故
人初度歲誰知新歲又逢人菜調七種嘗魚

味花發千家賞
今辰轉瞬看燈
三五夜星橋
火樹動香塵

詠庭前手植杏花二首

庭前杏樹手親栽
點綴春光歲首開
不辨真
南陽氣早定教錯認是紅梅
碎錦坊前昔日開
海山閣下亦同栽
古人盛
事難相擬勉學滋培莫任摧

詠桃花二首

桃花同是手親栽亦被春風殿杏開從此一
年花似錦樓臺合擬駐蓬萊
未見蓁、葉似裁却看灼、蕊爭開周南昔
有宜家詠治國還從次第推

銅瓦寺

巍々廟貌勢隆崇門壁窗楹盡是銅日躡金
光輝遠近夜深寶氣貫虛空幾經大匠陶鎔
力還藉砂丁採取工

滇省採取銅斤風雨不
之人名曰砂丁

磨垂萬古大觀誰信在滇中

乾隆五十年上元前一日奉到

御書福字並妳餅果乾恭紀

新春初甲子

是日適逢甲子

錫福被恩榮香案庭前設華章郭外迎臨門
充喜氣夾道動歡聲啓筵金銀燦開緘翰墨
盈甘膏來

帝闌乳液逕邊城稽首慙無補捫衷感若驚

年：承

渥澤刻：勵愚誠異遂安全志持斯答
聖明

滇省金汁河之韓冕閘原為淺水而設
惟閘板隨時啓閉專藉人力一遇水
發啓板不及勢甚易於冲坍因測水
之淺深改建石壩俾水平之時蓄水
得以溉田過水長之候從壩口冲入

江流藉以分勢既免壅閉之煩益資
潴洩之力壩工將成於正月十四日
親往閱看爰賦長句一首記事

良辰策馬逐春風新壩關情在郭東物力全
憑人力巧無勞端藉一勞功波平可納流長
緩漲發難容水自通從此安瀾胥誌慶載歌
萬福喜來同

上元前一日閱壩工後太和宮小集夜

間觀燈火二首

初心閱壩即回鞭何意匆匆治酒筵偶爾主
賓成宴會恰逢間里試燈天月懸碧漢千山
暮人對良宵萬景妍佛地由來歡喜地憑將
佛意再三研

宴罷相邀且緩回山門看炬暫徘徊火中燦
爛天花落燈下光明佛眼開曠寺笙歌仙奏
樂高峰爆竹谷鳴雷從容步月人歸去試聽

譙樓漏幾催

上元旌陽觀譙集觀燈火率成四什

開窗春色窳分明麥豆青、一望平歌舞當
前非樂事知憑點綴慰深耕

畫華月色兩相連燈影星光共碧天更有兒
童騎竹馬曲中句句祝豐年

魚龍變化火中旋爆竹聲、鬧耳邊窳是明
開光燦處樓臺放出萬花鮮

高館張燈酒復清

用高銜

盃看月聽歌聲元

宵節赴羣仙會即席詩成答盛情

元夕觀燈旋署覽民庶之盛因思春田

需澤詩以默禱二首

去年今日到黔中今歲看燈

萬壽宮不為良宵懷抱放行勞坐逸總相同
燈歌排列道旁連今夕遊人萬、千獨喜雲
來催好雨莫貪竟夜月華鮮

早起位置盆桃

蟠桃自古種仙家
盆裡今開幾樹花
早起呼童安置好
滿堂春色醉流霞

登樓

登樓春望最娛情
檻外花田郭外橫
更有青山下海夕
陽斜照倍分明

深紅桃花

春月桃花紅勝錦
新開一種倍添紅
臙脂染

樹休相傲鶴頂棲霞或可同早見含芳烘曉
日晚看吐豔醉東風多曰炎地偏於火熏得
朱顏罷衆叢

春祀

關帝

忠義高千古馨香及萬年三春蠲日吉九拜
致心虔在昔疑無命於今信有天我
朝隆典禮闡發媿前篇

寄富制軍

冬去春回忽隔年
翩翩裘馬向黔滇
下車未入尚書省
到境先操上將權
未書云入境後先闕黔省營伍

昨被

新恩辭

北闕今逢舊雨在
南天人來特報關懷事
時見萱堂健似仙

春祀

文廟

後甲方三日仲春祭上丁趨踰循舊制禮樂

仰前型池泮縈新綠芹芳布嫩青

臨雍知此日釋奠更窮經本年二月初七日

卑臨雍講學大學士以次講經書皇上釋奠禮

春祀

山川

社稷壇

雲雨出山川豐登社稷權兩壇今祀肅同日
致心虔秋稻時猶緩春苗澤望先精誠祈感
格默禱在神前

菜花

菜花二月開如錦一望參差耀眼光風送無
香輸桂馥日融有色賽金黃輕搖細浪千莖
秀湧捲微波十里長更與麥苗相掩映織成
大塊好文章

燈隱

燈隱緣何設翻書几案橫光來疑有間影射
覺逾明亦自絲毫見偏教眼目清高吟猶未
已漏下忽三更

鶴女生日

小宴設堂前春風二月天碧垂新柳嫩紅放
豔桃鮮座集全家樂庭開五福縣
本日懸
御賜福
字命名符鶴算即此祝長年

久晴得雨望雨霑足作

久晴方望雨既雨更闌情喜是丁東響愁無
浙瀝聲呼童看土潤倚戶盼簷鳴所冀霑濡
普春苗倍發生

喜雨

小雨連朝未快情今朝雨足慰羣生潤催麥
秀添新穗澤浸蔬肥發嫩莖一望天邊雲漠
漠還看砌畔水盈盈霑濡正遇春分節糧價

從茲漸々平

月夜聽琴

月色明春夜悠然一曲琴步階聲入耳依檻
韻怡心素魄籠高閣清風送雅音三更初轉
後花木影沈々

月夜閒話

蕭々書室靜明月窠宜人雨足水輪皎雲開
素魄新茶香環坐雅竹影灑階勻更喜花枝

外翩々鶴舞馴

春日雨後閣望

雨後春光寂可憐
憑欄領略倍鮮妍
青山一抹橫雲外
綠樹千重擁水前
旭日融々添暝意
微風拂々散輕煙
晴佳氣色樓臺近
偶爾登臨記彩箋

春夜

陰々二月養花天
月上雲開夜景妍
四壁無

聲聽窈々一簾有影看娟々迴廊散步饒佳
致小室閒吟少俗牽終日匆忙餘此刻靜中
得趣勝於仙

杏女周歲

去歲今朝設悅新年華荏苒又逢春風光正
值清和候節序初週襁褓人自率性真啼哭
擾頓添知識笑言頻有從婉婉堂前教佩玉
鳴環作上賓

春祀

天后宮

神靈生越海廟宇俯滇池
載舉三春祀爰逢二月時
風花吹片片雨柳潤絲絲
拜獻多儀節歸途日影遲

春日詣北教場閱兵

雨後山光遶郭清
麥花翻浪菜花明
澄潭泛泛鷗千點
古寺陰陰磬幾聲
策騎巡郊非攬

勝雙旌駐野為觀兵前林綠樹多佳氣一望
居然細柳營

承華圍閱兵事竣詣郊外履看春田

射場演武後整隊出重城翠色連山碧生機
繞地盈川原遥矚目豆麥近關情足食民尤
急誰云僅足兵

春祀

龍神祠

雨足三春候龍宮祀典誠爰來祈麥實兼以
禱秋成壘石為山小開池蓄水清門前饒雅
趣數畝翠波瀾

寒食

桃葉風吹片片斜新開躑躅遶廊花古來寒
食傳佳節禁火而今有幾家

清明

二月清明景物妍風花陣陣度庭前時逢春

露思親薦遙向空中拜几筵

又

輕寒輕暝氣清明佳節由來實副名
好雨纔過花蕊潤和風漫拂柳絲繁
偶而靜坐皆生趣何必流觴始動情
獨對芸窗遲日麗無邊逸興促詩成

謝人送櫻桃

三春好果是朱櫻小盒分來見美情
乍啓欣

看光豔麗欲嘗愁破粒圓瑩去年零落因逢
雪此日殷勤在逐鷺莫任傷殘多棄地呼童
好把玉盤擎

繡毬

纔過清明二月天已開石上繡毬圓團團玉
滾非工琢粒粒珠攢豈線穿看去玲瓏真可
愛移來潔白劇堪憐憑將造化爭人巧纖手
休誇刺繡妍

行耕耤禮

耕耤遵

王制頒期自

帝京時將交穀雨節已過清明禮重先農祀
臚開后土平趨蹕三獻肅往復九推誠大吏
知勤穡羣黎自習耕從來天下事率物在躬
行

耤田即事

雷聲昨夜潤春田。此日扶犁土不堅。斜挂朝
珠文佩響露衣。蟒服采章鮮。我朝行耕耨
重農事也笙歌疊奏環晴野。雲樹千重襯遠
天。耕罷陰傳雨意。今年應卜是豐年。

聽琴

飄飄琴韻逸宛轉送清音。雨歇花間度風來
水面尋。空庭馴舞鶴綠樹動鳴禽。相與低徊
久悠然滌躁心。

芍藥

衆花搖落後芍藥殿春開
蘭麝香輸矣臘胎色遜哉
芳菲遲日月種植近樓臺
留取調金鼎居然有用材

金銀花

花色間金銀幽香暗襲人
秀姿延入夏芳氣尚留春
對案清怡目烹茶味養神
笑他懷利客偏說不如真

向傳三月三日為上巳余謂既曰上巳
自當以三月初逢之巳日為是概以
三日為上巳者非也本年三月初八
係丁巳日因作此以辨其譌

三月今朝初遇巳此名上巳信宜然勿
度清明節漠漠應看穀雨天月令由來無確
載齊諧自必是譌傳循名責實應無爽莫把
良辰誤眼前

雨

宜雨猶非望
雨時頻看簾外挂
絲絲綠雲四
野登場近
所異無愆
十日期

月夜聯句

月影花陰夜氣清

竹軒

庭軒曠敞足幽情
微

風冉冉吹襟袂

寶筏

遠漏沉沉入檻楹
半啓

簾櫳舒倦眼

竹軒

遙觀星斗接春城
良宵對

景堪吟賞

寶筏

更喜雲開值雨晴

竹軒

海山閣閒坐

綠樹遶迴廊樓臺景物芳和風猶澹蕩化日
覺舒長燕雀飛簷外琴書置座旁公餘來閣
下烹茗味清香

春日出郭請

聖安恭紀

平明初日放瞳矓出郭問
安祝

公餘集

卷三

聖躬萬里音聞來北極

九重福壽逮南中自惟奉職無殊績勉欲酬
恩勵寸衷且喜時和春麥熟黃雲徧地倚東
風

出郊迎

詔恭賦

鸞書來

北闕

鳳詔到南天

澤被周而普

恩行近及邊
濃花開驛館
細雨潤春田
試問皇華使
山程應幾千

登樓觀春麥將熟

更上層樓極目望
麥田環遶水雲鄉
遙知粒粒胥成實
已見青青漸變黃
晚罩重煙疑暮雨
曉翻細浪捲朝陽
一年穡事春先熟
差慰

農夫手足忙

四月朔日

龍神祠拈香見荷葉滿塘作

數畝方塘漾細波青錢萬點欲生荷
遠飄碧漢浮晴翠近貼玻瓈挂綠蘿
擎露居然珠錯落臨風亦自影婆娑
要看水上紅衣滿月朔還須一再過

優曇花

共說優曇是佛花今朝爛漫蔭官衙即空即
色心須悟為佛為官理不差玉樹臨風光自
照天香入夜氣偏賒只愁宦客初相識認作
玉蘭極意誇

花似玉蘭
而香獨甚

雨後登樓晚眺

雨過風靜日融、水白山青一望通樓閣平
開斜照裏城池近看暮煙中飛、鷗雀歸高
樹片、雲霞散碧空欲令丹青圖好景當前

公集
真盡恐難同

賦得烹茶鶴避煙

得清字

裊々松煙起翩翩々鶴舞輕石花初鼎沸雪羽
乍飛鳴萬里心長遠三山志素宏鳳團空自
雅雀舌獨留清啓盞沈霞脚開壺泛玉英如
何揚翮去不與此同情

月

清和四月夜多陰今夜庭前月滿林一望冰

輪長皎々靜聽玉漏更沈々幽花漸轉當階
影烏鵲遙憐繞樹心坐對清光多逸興
惆悵幾番吟

樹間月

密樹葉蒙籠清光逗隙空看來明有間缺處
影相通晶晃浮枝外徘徊在箇中天香如有
意偏近桂林東

即事

細雨霏霏射圃前
花枝帶濕竹籠煙
日長事少多閒趣
吏散人稀坐晚天
偶爾操弓勤武事
悠然把筆點詩篇
但期歲稔民安阜
清靜居官便勝仙

四月望日作

日斜飛細雨
更轉月圓明
院落人聲靜
樓臺樹影橫
三星當戶照
一盞沁神清
今夕是何夕
清和候正平

清和望後風雨調和農人處、乘時插
秧而日來官事亦復少簡適有歌者
自稱長於烹調因命治肴饌數種延
幕中諸君小集詩以誌事

清和時候未鳴蜩宿雨霏、晝達宵官府得
閒排酒宴農夫趁節插秧苗非闕對景聊舒
意為慶風和更雨調今日盤飧歌者手即同
堂上奏笙簫

夜

皓月窗前照青燈几上明翻書纔一帙聽漏
忽三更晝永思多擾宵深境自清年來無別
好翰墨最關情

定軒學使邀集值雨

三迤半已採風過學使聲華近若何化雨齋
前逢化雨弦歌堂上奏弦歌盤殮並列堪誇
美樽酒頻斟不厭多感謝殷々邀客意歸來

那禁醉顏酡

觀栽禾即為祈年

清和天氣日方長
雨後栽秧處々忙
碧毯線頭抽遍野
青羅帶帶展成行
纔看夏麥登前圃
又盼秋禾貯滿倉
人事已勤天自鑒
定教隴蜀盡如望

乙巳初度

雨足栽秧候人忙
刈麥先普天
登壽世愧我

益華年補拙勤為首求安治莫偏歲重周大
衍十年五歲倍勵日乾

鸚鵡

丹嘴青衿暎日暄誰家馴鳥巧能言幾聲宛
轉知人意遠賽笙歌盡日喧